

ნესტან სულავა

„შ. ანტონ მარტოშვილის ცხოვრება“, როგორც საიტო და ლიტერატურული თხზულება

ცამეტ ასურელ მამათაგან ერთ-ერთი მოღვაწედ წმ. ანტონ მარტოშვილის მიჩნეული, რომლის შესახებ ქართულ ჰაგიოგრაფიაში, ჰიმნოგრაფიაში და საისტორიო წყაროებში შემონახულია მწირი ცნობები. მისი სახელი მოიხსენიება წმ. იოანე ზედაზნელისა და წმ. შიო მძვიმელის კრცელი ცხოვრების რედაქციებში წმ. იოანე ზედაზნელთან ერთად სირიიდან მოსულ ასურელ მოღვაწე მამათა შორის. ესაა ერთადერთი ჩვენამდე მოღვაწეული წერილობითი ცნობა მისი მოღვაწეობის პერიოდიდან, ე. ი. VI საუკუნიდან.

ქართულ მწერლობაში წმ. ანტონ მარტოშვილის შესახებ ცნობებს თავის ჰიმნოგრაფიულ თხზულებებში გვაწვდის XIII საუკუნის 30-იან წლების საქართველოს კათოლიკოსი არსენ ბულმაისიმისძე, რომლის მრგვიფის მაცხოვრის ხელოუქმნელი ხატისადმი მიძღვნილ ჰიმნოგრაფიულ თხზულებათა სრული რედაქცია შემონახულია აბუსერისძე ტბელის კრებულში A-85; გვიანდელ, XVII-XVIII საუკუნეების, სადღესასწაულოებში ამ საგალობელთა მხოლოდ ფრაგმენტებია შეტანილი. საგალობელები ეძღვნება მარტოშვის მაცხოვრის ხელოუქმნელი ხატის პიერობოლისიდან ქართლში ჩამოტანას, რომლის დღესასწაული ქართულ ეკლესიაში აღინიშნება მარიამობის მეორე დღეს ძვ. სტ. 16 აგვისტოს (ახ. სტ.: 29 აგვისტო); წმ. ანტონ მარტოშვილის **ხსენების დღე** წელიწადში რამდენიმეჯერ აღინიშნება: 1. XIII საუკუნეში დაწესებული იყო 17 იანვარს წმ. ანტონ მეგიონტელის, დიდის, ხსენების დღესთან ერთად, მოგვიანებით წმ. ანტონ მარტოშვილის ხსენების დღედ დაწესდა 19 იანვარი; 2. 7 მაისს, წმ. იოანე ზედაზნელსა და მის მოწავეებთან ერთად; 3. 16 (29) აგვისტოს მაცხოვრის ხელოუქმნელი ხატის დღესასწაულთან ერთად. მარტოშვის მაცხოვრის ხელოუქმნელი ხატისადმი მიძღვნილ საგალობელთა ეს ტექსტები სრულად ორჯერ გამოიცა: 1. მ. ქავთარიას, ნ. გოგუაძისა და რ. ჩაგუნავას მიერ 1998 წელს აბუსერისძე ტბელისადმი მიძღვნილ წიგნში; 2. ნ. სულავას მიერ 1997 წელს სადოქტორო

დისერტაციისათვის მომზადდა და 2003 წლს დაიბეჭდა წიგნი „XII-XIII საუკუნეების ქართული პიმზოგრაფია“.

ჩვენამდე მოღწეული „წმ. ანტონ მარტყოფელის ცხოვრების“ ორი სვინაქსარული რედაქცია, ვრცელი და მოკლე, დაცულია რამდენიმე ხელნაწერში. „წმ. ანტონ მარტყოფელის ცხოვრების“ სვინაქსარული ვრცელი რედაქცია დაცულია XVIII-XIX საუკუნეების ლიტურგიკულ კრებულებში: 1. 1718 წლის A-425; 1720-იანი წლებით დათარიღებული S-3269; 2. 1726 წლის A-220; 3. ცენტრალური არქივის ნაკლული ხელნაწერი № 459, დათარიღებული XVIII საუკუნით. დანარჩენი ნუსხები XIX საუკუნისაა. „წმ. ანტონ მარტყოფელის ცხოვრების“ სვინაქსარული რედაქციის მოკლე ტექსტი მხოლოდ ერთი ხელნაწერით შემოგვრჩა – 1740 წლის H-1672, რომელიც ძირითადი, ვრცელი, ნუსხისაგან მხოლოდ შესავლით განსხვავდება.

XVII საუკუნის მეორე ნახევარში წმ. ანტონ მარტყოფელის შესახებ შეიქმნა ვრცელი სვინაქსარული რედაქცია, რომელიც ამავე სახით ვახტანგ მეექსის „სწავლულ კაცთა კომისიაშ“ „ქართლის ცხოვრების“ ტექსტში შეიტანა, როგორც სამეცნიერო ლიტერატურაში მიუთითებენ, XVII საუკუნის მიწურულს. პრობლემის კვლევის ადრეულ ეტაპზე დაისვა კითხვა, ვინ შეადგინა სვინაქსარული რედაქცია წმ. ანტონ მარტყოფელის შესახებ, „სწავლულ კაცთა კომისიაშ“, რომელმაც შეიტანა იგი „ქართლის ცხოვრების“ ტექსტში და აქედან გავრცელდა იგი ლიტურგიკულ კრებულებში თუ პირიქით, კომისიაშ აიღო გამზადებული ტექსტი ლიტურგიკული კრებულებიდან? მეცნიერთა ნაწილის აზრით, იგი სწავლულ კაცთა კომისიაშ შეადგინა (ს. კაკაბაძე, პ. კეკელიძე). კარძოდ, პ. კეკელიძის აზრით, რაც საბუთებით განმტკიცებული არაა, ტექსტი კომისიის შედეგენილია და ასურელ მოღვაწეთა ამსახველი თხზულებები „ქართლის ცხოვრებაში“ კომისიის წევრებმა შეიტანეს (კეკელიძე, 1956: 20, 22).

ქართული პაგიოგრაფიული ლიტერატურის სვინაქსარული რედაქციების მკვლევრის, ე. გაბიძაშვილის აზრით, წმ. ანტონ მარტყოფელის შესახებ „ქართლის ცხოვრებაში“ დაცული რედაქცია ასურელ მამათა ქართლში მოსვლის შესახებ განსხვავებულ ვერსიას შეიცავს, კერძოდ, წმ. ანტონი ასურელ მამებთან ერთად მოვიდა ქართლში, რაც სვინაქსარულ რე-

დაქციაში არაა აღნიშნული. ე. გაბიძაშვილმა A-1582 გულანის ხელნაწერზე გადეონ გენათელის⁴ მიერ დართული ანდერძის ტექსტზე დაკვირვებით, რომელიც სხვა ისტორიულ დოკუმენტებთან შედარების საფუძველზე 1664-1673 წლებზე გვიან ვერ დაიწერებოდა, გაარკვია, რომ სწავლულ კაცთა კომისიას ლიტურგიკული კრებულით უსარგებლია და წმ. ანტონ მარტყოფელის „შესახებ შექმნილი სვინაქსარული რედაქცია „ქართლის ცხოვრების“ ტექსტში მზამზარეული სახით შეუტანია. ამრიგად, წმ. ანტონ მარტყოფელის ცხოვრების ამსახველი სვინაქსარული რედაქცია XVII საუკუნის II ნახევარში უნდა იყოს შედგენილი. ამ რედაქციის შექვევლ ტექსტთაგან ყველაზე ძველი დღესდღეობით სწორედ XVIII საუკუნის ლიტურგიკულ ხელნაწერ კრებულებში დაცული ტექსტია.

„წმ. ანტონ მარტყოფელის ცხოვრების“ სვინაქსარული რედაქციის მოკლე ტექსტი მხოლოდ ერთი ხელნაწერით შემოგრჩა – 1740 წლის H-1672, რომელიც ძირითადი, ვრცელი ნუსხისაგან მხოლოდ შესავლით განსხვავდება. ვრცელი გარიანტი შეიცავს იქსო ქრისტეს ხელოუქმნელი ხატის სასწაულთა აღწერას, ხატის დაცვას საუკუნეთა განმავლობაში ედესაში⁵ და VI საუკუნეში მის ჩამოტანას საქართველოში წმ. ანტონის მიერ. ე. გაბიძაშვილის დასკვნით, მოკლე სვინაქსარული რედაქცია ვრცელი რედაქციის შემოქლების შედეგია. თუმცა, მათ შორის მცირეოდენი განსხვავებები არის, რაც მკვლევარმა ზედმიწევნითი სიზუსტით აღნუსხა.

თხულების წყაროებია „წმ. აბიბოს ნეკრესელის წამება“, „წმ. დავით გარეჯელის ცხოვრება“, აბუსერისძე ტბელის ანდერძი, არსენ ბულმაისიმისძის საგალობლები: 1. მოკლე სვინაქსარულ რედაქციაში ყურადღებას იქცევს დასასრული, რომელიც მოგვითხრობს იმის შესახებ, რომ წმინდანის გარდაც-

⁴ გედვონ გენათელის შესახებ საისტორიო წყაროებში დაცულია ცნობები, იგი ისებნიება იმერეთის მეფე ბაგრატ IV-ის მიერ 1660 წელს გაცემულ სიგელში ნიკორწმინდელ ეპისკოპოსად, ხოლო მოგვიანებით იგი გენათელიც გამხდარა, რადგან 1664 წელს ნიკორწმინდელ-გენათელად ისებნიება (კაკაბაძე, 1921: 64), ხოლო 1668 წლის დოკუმენტში მხოლოდ გენათელის ტიტულით არის მოხსენიებული (ჟორდანია, 1897: 485).

⁵ საისტორიო წყაროებსა და სამეცნიერო ლიტერატურაში ქალაქ ედესის სახელად გვხვდება აგრეთვე ურპა და ანტიოქია.

ვალების შემდეგ მისი დაფლვის აღგილას არავინ დედალთა-
 განი შევიდეს, რაც „წმ. აბიბოს ნეკრესელის წამების“
 ტექსტშიც დასტურდება. ე. გაბიძაშვილი ფიქრობს, რომ ეს
 ეპიზოდი „წმ. ანტონ მარტყოფელის ცხოვრების“ მოკლე სვი-
 ნაქსარულ რედაქციაში სწორებ „წმ. აბიბოს ნეკრესელის წა-
 მებიდან“ უნდა იყოს შესული; „წმ. აბიბოს ნეკრესელის წა-
 მების“ დასასრულს მოთხოვილია იმის შესახებ, ასურელ მამა-
 თაგან ვინ სად ააშენა მონასტერი, ერთ-ერთმა თავის აშენე-
 ბულ მონასტერში მოღვაწე მამებს ანდერძად განსაკუთრებუ-
 ლი წესის დამკვიდრება დაუტოვა: „ხოლო ერთმან ზენა-
 სოფელსა აღაშენა მონასტერი დადგვა სასწაული ესე, რაოთა
 არარამ დედალთაგანი შევიდეს მას შინა“ (ძეგლები, 1963/1964:
 247); „წმ. ანტონ მარტყოფელის ცხოვრების“ მოკლე სვინაქ-
 სარულ რედაქციაში კი წმ. ანტონ მარტყოფელის ანდერძადაა
 გააზრებული ეს ვაქტი: „შემდგომად მრავალთა უამთა სიბე-
 რითა კეთილითა სრულქმნილი უფლისა მიიცვალა და დასდგვა
 სასწაული ესე, რათა არა რომელიმე დედალთაგანი შევიდეს
 მას შინა, სადა-იგი მდებარე არს გუალი მისი, ვერცა მფრინ-
 ველი დაბუდებად მას შინა“ (ძეგლები, 1968: 399). 2. ირემთა
 ეპიზოდების მიხედვით, წმ. ანტონისა და მისი თანამოაზრების
 ირმის რძით კვება, ნუკრის დაკოდვის ეპიზოდი, „წმ. ანტონ
 მარტყოფელის ცხოვრების“ სვინაქსარული რედაქცია ემსგავ-
 სება „წმ. დავით გარეჯელის ცხოვრებას“ (ძეგლები, 1963/64:
 233; ძეგლები, 1968: 396, 399). 3. მაცხოვრის ხელოუქმნელი ხა-
 ტის ოქმის მიხედვით „წმ. ანტონ მარტყოფელის ცხოვრების“
 სვინაქსარული რედაქციის მსგავსება არსენ ბულმაისიმისძის
 საგალობლებთან სავსებით ნათელია, პირველი ცნობა დაცუ-
 ლია აბუსერისძე ტბელის მრავალმხრივ საყურადღებო ან-
 დერძში: „თუესა აგვისტოსასა ივ, თაყუანისცემად ცხოველ-
 შემყველისა საუფლოვასა ხატისა ჭელით-უქმნელისა, ოდეს
 მიუვანებულ იქნა ედესიათ კონსტანტინეპოვლედ. ხოლო
 მეორედ, ვინათვან მოემადლა ნათესავსაცა ჩუენსა მოწყალე-
 ბით დმრთისათა დირსისა ნეტარისა მამისა ჩუენისა ანტონი
 მარტომყოფელისა მიერ და დღესა ფერისცვალებასა ვემთხუ-
 ვით კეცსა ზედა გარდამოტუფრულსა ტილოისა მიერ, ამისთვის
 ესე უფალო დაღადყავი ითქვა არსენის მიერ კათალიკოზისა,
 ესე რომელი ამას ზემოთ წერილ არს ჭმასა დ გურდსა გა-
 ლობითა და მეორენი თუთმლისპირნი გალობანი, რომელი
 ამის სიტყვასა შემდგომად წერილ არიან მეორის გუერდისა,

რომელთა საქცევნიცა მუკლ-მუკლისა თაგსა წარწერილ არიან. ხოლო მესამის გუერდისანი ითქვენებ საბაძის მიერ სუნ-გელოზისა, კაცისა ღმერთშემოსილისა კარისა ებისკოპოსისა და ვიტყვთ **ზ** აგვისტოსა, ხოლო ვინათვან დირსისა ანტონის მიცვალებადცა ათხუდმეტსავე იანვარსა იქმნა, დღესა დიდისა ანტონი მეგპატელისასა, ამისთვის მაშინცა ვგალობთ და ვიტყვთ პირველად, რომელ მნიშვნოთა ზედა სწერია და მოურთავთ მაშინდა, რაო დიდისა ანტონისი ხოლო ითქვას და მოურთავთ დიდებად მჯდომარესა ამას, ვითარმედ შუალდინარითო უფალო დადადებავი, ჭმარ მეორის გუერდი ამათ ზემოთა გალობათა თავსა სწერია და რაბცა აკლია ზემოთვე გალობათა, ქუმოთ სწერია აქებდითსა თანა“ (284v-293r). ამ ანდერძის შემდეგ მოთავსებულია არსენის მეორე საგალობელი, აგრეთვე, შიძღვნილი მაცხოვრის ხელოუქმნელი ხატისადმი: „თკთძლისპირნი ზესთ გამოთქმისა ჭელით უქმნელისა ხატისანი. ესეცა არსენისგანვე თქუმულნი, კათალიკოზისა“ (A-85: 285r-293r; სულავა, 2003: 168).

წმ. ანტონ მარტყოფელის ქართლში მოსვლის დროის შესახებ უმნიშვნელოვანები წყარო თვით „წმ. ანტონ მარტყოფელის ცხოვრების“ ხვინაქსარული რედაქციაა, რომელ შიც 544 წელს საარსთა მეფის, ხოსროს, მიერ ქალაქ ედესის წარუმატებელი აღყის ისტორია მოთხოვნილი. წმ. ანტონი ამ აღყის შემდეგ საქართველოსკენ წამოვიდა და კერამიონი, კეცზე დატვიფრული მაცხოვრის ხელოუქმნელი ხატი, წამოაბრძანა, რომელიც ნესტორიანელებს ეკყრათ ხელთ. ამ ვაქტზე დაყრდნობით კ. კეკელიძემ ივარაუდა, რომ წმ. ანტონ მარტყოფელი წმ. იოანე ზედაზნელთან ერთად არ მოსულა ქართლში, იგი VI საუკუნის შუა წლებში, კერძოდ, 544 წლის შემდეგ, მოვიდა საქართველოში (კეკელიძე, 1956: 24-25). კ. კეკელიძემ 544 წლის ედესის ბრძოლის შესახებ VI საუკუნის ბიზანტიელ ისტორიკოსთა, ევაგრესა და პროკოპი კესარიელის თხზულებები დაიმოწმა, რომლის შემდეგ უნდა წამოსულიყო წმ. ანტონ მარტყოფელი ქართლში, სადაც იგი მოსულა 545 წელს. იგი მარტოდმყოფობას მიეღლტვოდა (კეკელიძე, 1956: 38). ი. ჯავახიშვილმა განიხილა მარი ბროსეს შეხედულებები ასურელ მამათა მოღვაწეობის შესახებ და წმ. ანტონ მარტყოფელის ცხოვრების ცნობის შესახებ ედესის ბრძოლის შესახებ. ეს უკანასკნელი ბროსეს 539-540 წლებში მომხდარ ვაქტიდ მიაჩნია (ბროსე, 210, შენ. 5); ი. ჯავახიშვილს „წმ. ანტონ მარტყოფე-

ლის ცხოვრების“ ტექსტი ყველაზე ნაკლებ გამოსადეგად მიაჩნია, თუმცა, მისი სიტყვით, „მაინც ცხადია, რომ რამდენადაც ანტონი ხოსრო სპარსთა მეფის დროს ედესიდან ხელ-თუქმნელი კეცის ხატის მომტანად არის გამოყენებული. იგიც მისი ცხოვრების ავტორს VI საუკუნის შუა წლებისა და მეორე ნახევრის მოდგაწედ ჰყოლია ნაგულისხმევი“. მისივე აზრით, წმ. ანტონ მარტყოფელის მოსკლა ქართლში VI საუკუნის შუა წლებშია სავარაუდო (ჯავახიშვილი, 1979: 409-410). დ. მერკვილაძემ მათი ეს თვალსაზრისი გაიზიარა.

სამეცნიერო ლიტერატურაში ძეველ, ტრადიციულ შეხედულებად უკვე იყო ჩამოყალიბებული განსხვავებული მოსაზრებაც, რაც წმ. იოანე ზედაზნელისა და წმ. შიო მღვიმელის ცხოვრებათა ვრცელი რედაქციის არსებობას ემყარება და რომლის მიხედვით წმ. ანტონ მარტყოფელი სხვა ასურელ მამებთან ერთად მოვიდა; მასვე დაუარსებია მარტყოფის დვთავების მონასტერი. ი. ჯავახიშვილისა და პ. კეკელიძის თვალსაზრისით, წმ. ანტონ მარტყოფელი სხვა ასურელ მამებთან ერთად არ მოსულა, იგი დამოუკიდებლად მოვიდა ქართლში და ედესიდან მოაბრძანა მაცხოვრის ხელთუქმნელი ხატის პირი, კეცხე დატვიფრული. ზემოთაც ითქვა, რომ, მათი აზრით, წმ. ანტონის მოსკლა უნდა დამთხვევოდა სპარსთა მეფის, ხოსროს, მიერ ქალაქ ედესისათვის ალყის შემორტყმას, რაც 544 წლითაა დათარიღებული. საკითხი საგანგებოდ იკვლია ვ. გოილაძემ, რომლის აზრით, წმ. ანტონ მარტყოფელის სვინაქ-სარულ რედაქციაში მოხსენიებულ შუამდინარეთში მდებარე ანტიოქიაში, დოკუმენტური ცნობების მიხედვით, იგივე ქალაქ ედესაში, ქართველური ტომები მოსახლეობდნენ; იგი „მონასტრის იმ ძმისას განეკუთვნებოდა, რომელნიც იოანესთან ერთად წამოსულთა შორის ვერ მოხვდნენ. ანტონი რადგან 544 წელს ირანელთა მიერ ქ. ედესის გარემოცვის თვითმხილველი იყო, მას, როგორც პ. კეკელიძე ფიქრობს, მართლაც 544 წლის ზაფხულში უნდა დაეგოვებინა ქალაქი და ქართლში წამოსულიყო“ (გოილაძე, 2002: 172-180).

აღმსარებლობა. ასურელ მამათა, მათ შორის წმ. ანტონ მარტყოფელის, აღმსარებლობის საკითხის შესახებ სამეცნიერო ლიტერატურაში განსხვავებული შეხედულებები გამოითქვა. ტრადიციული შეხედულებით, ისინი იყვნენ დიოფიზიტური ცნობიერების ქონე მართლმადიდებელი ქრისტიანები, რაც გაზიარებულია შემდგომი ხანის სამეცნიერო შრომებში.

რაც შეეხება წმ. ანგონის აღმსარებლობას, აქაც აზრთა სხვადასხვაობას გაწყდებით. კ. კეპელიძის აზრით, სხვა ასურელ მამებთან ერთად, წმ. ანგონიც მონოფიზიტი იყო და იგი ანგიოქიდან//ედესიდან გამოექცა მონოფიზიტებთან ბრძოლას. მისი მოსახრება მეცნიერთა ნაწილმა გაიზიარა, ხოლო ნაწილმა საწინააღმდეგო თვალსაზრისი გამოიქვა. ი. ჯაგახიშვილის შეხედულებით, ასურელი მამები მართლმადიდებლები არიან, მაგრამ წმ. ანგონ მარტმყოფელის აღმსარებლობის პრობლემა კვლავ მოითხოვს დაკვირვებასა და კელევას, რადგან „ჯერ კიდევ გამოსარგვევია მისი ნებტორიანობისადმი და მოკიდებულება“ (ჯაგახიშვილი, 1979: 415). საინტერესოა ვ. გოილაძის შეხედულება, რომლის მიხედვით, წმ. ანგონ მარტმყოფელი მონოფიზიტებთან ბრძოლას კი არ გამოექცა, არამედ, სხვა ასურელ მამათა შსგავსად, ირანელთა ბატონობის გამო დიოფიზიტობის განმტკიცება ჰქონდა მიზნად დასახული. მისი საბუთიანობა მყარი დებულებითაა განმტკიცებული, რაც ქართული კალესის მიერ ასურელ მამათა წმინდანებად შერაცხვა//აღიარებით გამოიხატა (გოილაძე, 2002: 178-179).

განსაკუთრებულ ყურადღებას იქცევს ასურელ მამათა და, შესაბამისად, წმ. ანგონ მარტმყოფელის ენა, რომელ ენაზე მეტყველებდნენ ისინი. ასურელ მამათა „წამება-ცხოვრებების“ მიხედვით, წმ. იოანე ზედასხელი და მისი მოწაფეები ქართლში მოსვლისას ქართულად საუბრობენ. წმ. იოანე ზედასხელს ქართლის კათოლიკოსი ევლავიოსი შეხვდა და მათ ქართულ ენაზე ისაუბრეს. განსხვავებული ვითარებაა წმ. შიო მღვიმელის შესახებ. რაც შეეხება წმ. ანგონს, „წმ. ანგონ მარტმყოფელის ცხოვრების“ ვრცელი სფინაქსარული რედაქციის მიხედვით, იგი ქართულად არ საუბრობს: „წმიდამ იგი კელითა უჩუენებდა, სადა იყოვოდა და ყოველსავე საქმესა, რამეთუ ენა არა ესმოდა“ (ძეგლები, 1968: 396), რასაც მოსდევს მთავრის სიტყვები, რომელიც მოწმობს, რომ მთავარსა და წმ. ანგონ მარტმყოფელს ერთმანეთის ენა არ ესმოდათ: „რამეთუ ენა არა ესმოდა“ (ძეგლები, 1968: 396). ეს კი იმას მოწმობს, რომ წმ. ანგონ მარტმყოფელმა საქართველოში ჩამოსველისას ქართული ენა არ იცოდა.

წყაროებში მაცხოვის ხელთუქმნელი ხატის საქართველოში მობრძანების ორი ვერსიაა დაცული: 1. პირველი ვერსია მაცხოვისა და ავგაროზ მეფის მიმოწერის აპოკრიფულ ტექსტს ემყარება; ამ აპოკრიფის რამდენიმე რედაქცია არსე-

ბობს, ისინი ქართულად XI-XII საუკუნეებში ითარგმნა. ეპისტოლებთა აპოკრიფულობამ განაპირობა, როგორც საღვთისმეტყველო ლიტერატურაში მაცხოვრის ხელთუქმნელი ხატის ოქმის გავრცელების, ისე ხატის დღესასწაულის დაწყების დაგვიანება. თუმცა, ხატის ტიპი ქრისტიანობის ისტორიის ადრეული ეტაპიდანვე გავრცელდა. ამ მიმოწერამ ქანონიკური ხასიათი საბოლოოდ შეიძინა X საუკუნის შემდეგში, როდესაც ბიზანტიაში დამკვიდრდა ხატის დღესასწაული. იმ უაქტის გათვალისწინებით, რომ ეპისტოლის მიხედვით მანდილზე აღბეჭდილი ხატება ავგაროზ მევეს ქრისტეს მოციქულმა თადეოზმა მაცხოვრის ამაღლების შემდეგ გადასცა, ეპისტოლე აპოსტოლურ მნიშვნელობას იდენტი. ეპისტოლის სირიული ვარიანტის ისტორია პირველი-მესამე საუკუნეებიდან დაიწყო და საბოლოოდ VI-VII საუკუნეთა შიჯნაზე გაფორმდა. ეპისტოლეთა მიხედვით, ედესის წარმართმა მეფემ ავგაროზ მეტეორმ, რომელიც დასხეულებული იყო, ეპისტოლით სოხოვა მაცხოვარს, იქსო ქრისტეს, რომ ჩასულიყო ედესაში და განეკურნა იგი. თან პპირდებოდა უსაფრთხოებას, რადგან იცოდა, თუ რა განსაცდელი ელოდა იქსოს იერუსალიმში. იქსო ქრისტემ უარი განუცხადა ჩასვლაზე, მაგრამ დაპპირდა, რომ ამაღლების შემდეგ თავის ერთ-ერთ მოწაფეს გაგზავნიდა და განკურნავდა მას იმ შემთხვევაში, თუ ავგაროზ მეფე ქრისტიანობაზე მოიქცეოდა. ავგაროზმა იერუსალიმში „წარავლინა მხატვარი (ანანია – ნ.ს.) გამოსახვად ხატისა უფლისა და მიღებად მისა. და მი-რაღიშია მხატვარი იგი... ბეჭთა იერუსალემისათა, შეემთხვად მათ იქსუ“ (ავგაროზის ეპისტოლე, 2007: 131, 139), რომელმაც ედესაში წასვლაზე უარი განაცხადა და შესთავაზა მისი სახის დახატვა. მაგრამ მხატვარმა ვერ შეძლო უფლის სახის ფერწერული გამოსახულების შექმნა, რის შედეგაც იქსო ქრისტემ „მოიღო ტილოდ იგი და დაიდგა პირსა ზედა თვესა. და მექსეულად გამოისახა ხატი მისი მას ზედა“ (ჩხილაძე, 1996: 32-72; ავგაროზის ეპისტოლე, 2007: 131, 140). მაცხოვარმა ტილო გადასცა თავის მოწაფეს თადეოზს, რომელსაც უანდერდა ედესაში ტილოზე აღბეჭდილი ხატის ჩატანა ამაღლების შემდეგ. ანანია და ქრისტეს მოციქული თადეოზი ასეც მოიქცეს, მაგრამ იმის გამო, რომ ხატს ქრისტეს მტერთაგან საფრთხე ემუქრებოდა, თადეოზმა „აღმართა კეცი წინა პირსა ხატისახა... ხოლო რომელი-იგი კეცი საფარველად მის ხატისა აღმართებულ იყო, მას ზედა გამოსახულ იყო

სხუა ხატი და მსგავსება წმიდისა მის საუფლოსა ხატისა“ (ავგაროზის ეპისტოლე, 2007: 141). ასეთია აპოკრიფული ოხზულებების მონათხრობი. „შ. ანტონ მარტყოფელის ცხოვრების“ სვინაქსარულ ტექსტში მცირეოდენი ცვლილებები შევიდა და დაემატა, რომ „კეცის“ ხატი, ანუ კერამიონი, ერეტიკოსთა, კერძოდ ნესტორიანელთა ეკლესიიდან VI საუბუნეში გამოიხსნა წ. ანტონ მარტყოფელმა: „ნისტორიანთა ეკლესიასა შინა იყვნეს საუფლონი იგი ხატი, და აღიყვანა კეცი, რომელი საუარველად მის ხატისა ყოფილ-იყო და ხატ ქმნულ იყო“ (ძეგლები, 1968: 395). წ. ანტონ მარტყოფელმა ხატი, რომელიც სასწაულმოქმედი იყო, საქართველოში, კერძოდ მარტყოფს წარიყვანა და დაასვენა. პ. ამპელიძის შეხედულებით, ეს ხატი ყოფილა მაცხოვრის ხელოუქმნელი ხატის პირი, რომელიც ედესაში ნესტორიანთა ეკლესიაში ესვენა, წ. ანტონ მარტყოფელს მოუპარავს ეს ხატი და უჩინრად წამობრძანებია ქართლში. მეცნიერი ფიქრობდა, რომ წ. ანტონ მარტყოფელი, სხვა ასურელ მამათა მსგავსად, მონოფიზიტი უნდა ყოფილიყო (კეკელიძე, 1956: 34).

მანდილონისა და კერამიონის ხატების აღწერილობასა და ცნობებს ამ ხატების აღწერილობათა მცველ წერილობით წყაროებში ვერ ვხვდებით, არ არის ცნობილი, როგორი იყო იგი. არ შემონახულა მათი აღწერილობა. ერთადერთი ოხზულება, რომელიც ხატის მარტყოფში არსებობას ადასტურებს, XIV საუკუნის ანონიმი ისტორიკოსის – ჟამთააღმწერელის თხზულებაა. ცნობები მარტყოფის მაცხოვრის ხელოუქმნელი ხატის სასწაულმოქმედების შესახებ შემონახულია ჟამთააღმწერლის „ასწლოვან მატეანეში“, სადაც მოთხოვობილია, რომ მარტყოფის ხატმა სასწაულებრივ განკურნა ავადმყოფი ულუ დავითი: „და ვითარ მოეახლა მარტომყოფსა, მივიდა ხატსა მას ჭელითუქმარსა, რომელი თვალ გამოისახა ტილოსა ხატისა მიერ კეცსა ზედა. მოყვანება ბრძანა მარტომყოფსა ხატისა, და ევედრა ცრემლითა და შეუვრდა, და განკურნა, ვითარ უფლისა მიერ განკურნებული ცხედარსა ზედა მდებარე“ (ჟამთააღმწერელი, 1959: 142). მეორედაც შესთხოვა განკურნება ამავე ხატს, მაგრამ, რაკი დმრთისმსახურებას არ მისდევდა და მისი მეფობისას ეკლესიურმა ცხოვრებამ რდევევა იწყო, დმერთმა მას წყალობის ხელი ააღო და მეორედ თხოვნა არ აღუსრულდა: „და მგზავრ მომავალსა მეფესა შეედვა სალმობა მუცლისა და ვითარ მკურნალთა ვერ უძლეს კურნებად, მაშინ ევედრა ხატსა მას მარტ-

მყოფისასა, და მიეკიდა მის წინაშე. ვითარ ჩვეულ იყო, რამეთუ პირველ ამისა მუცლისა სხეულებითა შეპყრობილ იყო და, ვითარ მკუდარი, იდვა უსიტყვოდ, და აღედგინა ხატსა გორც-შესხმულისა დმრთისასა. ხოლო აწ არდარა პოვა ლხინება ამისთვის, რამეთუ მოაკლო დმრთისმსახურება და იწყო რდეული საყდართა და შლად, ამისთვის აღიღო დმერთმან გელი წყალობისა, და პირველ წელთა მოკუდა მე მისი პირმშო, გიორგი, სიკეთე აღმატებული, და აქა მიიცვალა დავითცა მწუხარებითა ძისათა“ (ქამთააღმწერელი, 1959: 156).

ჟამთააღმწერელი წმ. ანტონს სახელით არ იხსენიებს, უთითებს მხოლოდ მარტყოფელს, რომელმაც, არსენ ბულმაისიმისძის საგალობლის მიხედვით, ჩამოიტანა მაცხოვრის ხელთუქმნელი ხატი. იგი არც იმ ფაქტს მიუთითებს, როგორ მოხვდა ხატი ჩვენში. ჟამთააღმწერელის თხზულებაში დაცული ცნობებიდან მნიშვნელოვანი ისაა, რომ ხსენებული ხატი, ტილოზე (მანდილზე) გამოსახულიდან „კეცზე“ გადატვიფრული, ინახებოდა მარტყოფში. ხატთან დაკავშირებული დღესასწაული დამატების ურებისული პრაქტიკაში უკვე დამკვიდრებული იყო, როდესაც ჟამთააღმწერელი ქმნიდა თავის ისტორიულ თხზულებას – „ასწლოვან მაგიანეს“. ამ თვალსაზრისით უკრადგებას იქცევს აბუსერისძე ტბელის ზემოთ დამოწმებული ცნობა, რომ ვერისცვალების დღეს ვემთხვევით მაცხოვრის „კეცზე“ დატვიფრულ ხატებას, კერამიონს, რაც იმას ნიშნავს, რომ ტბელისათვის ცნობილია მისი სამყოფელი ადგილი, თუმცა, არ ასახელებს და, მისივე სიტყვით, დღესასწაული ტბელის შემოღებული და დადგენილია. მისი ანდერძიდან, რომელიც ზემოთ უკვე დავითმწერ, განსაკუთრებით მნიშვნელოვანია შემდეგი მონაკვეთი: „თაყუანისცემა ცხოველსმყოფელისა საუფლოდა ხატისა გელით-უქმნელისათ, ოდეს მიყვანებულ იქმნა ედესიათ კონსტანტინეპოვლედ. ხოლო მეორედ, ვინაოთან მოემადლა ნათესავსაცა ჩუენსა მოწყალებით დმრთისათა დირსისა ნეტარისა მამისა ჩუენისა ანტონი მარტომყოფელისა მიერ და დღესა ფერისცვალებასა ვემთხვევით კეცსა ზედა გარდამოტუფრულსა ტილოდასა მიერ“, რომელშიც რამდენიმე ფაქტი იქცევს ყურადღებას, კერძოდ, ხელთუქმნელი ხატი ედესიდან ჯერ კონსტანტინოპოლში მიუყვანიათ, მეორედ წმ. ანტონ მარტყოფელს საქართველოში მოუპრძანებია. წმ. ანტონ მარტყოფელის მიერ ედესიდან მოვანილი ხატი ტილოდან, ანუ მანდილიონიდან, ყოფილა გადმოტვიფრული

„კეცზე“, რაც სხვა წყაროების, სახელდობრ, არსენ ბულმაისი-მისის საგალობლების მიხედვით, პიეროპოლიდან არის მობრძანებული. ედესიდან კონსტანტინოპოლში, დიდი პალატის ფაროსის სამლოცველოში (ალექსიძე, 2011: 45), მანდილიონი 944 წელს გადაიტანეს. ამის შესახებ აბუსერისიდე ტბელის ანდერძსა და არსენ ბულმაისიმისის საგალობლებში განსხვავებული ვერსიებია ასახული. მათგან განსხვავდება იოანე ანჩელის საგალობლებში დაცული ვერსიაც მაცხოვრის ხელთუქმნელი ხატის შესახებ. მანდილიონის შესახებ გადმოცემები და, შესაბამისად, სამეცნიერო ლიტერატურა, მას დაკარგულად მიჩნევს. რაც შეეხება ანჩის მაცხოვრის ხატის ხელთუქმნელად მიჩნევას, იგი მცდარადა მიჩნეული მანდილიონად, ხელთუქმნელ ხატად (კარბელაშვილი, 2013: 68-122). ანჩის მაცხოვრის ხატი ხელტუქმნელი ხატის ტიპისაა.

ზემოთ აღვნიშნეთ, ანტონ მარტყოფელის სახელი ასურელ მამათა შორის მხოლოდ ერთხელ მოხსენიება „შიოსა და ევაგრეს ცხოვრებაში“. ასურელ მამათა სხვა „ცხოვრებები“ მის შესახებ არანაირ ცნობას არ შეიცავენ. იგი არაა დასახელებული სინას მთაზე წმ. ეკატერინეს სახელობის მონასტერში ახლად აღმოჩენილ ქართულ ხელნაწერთა კრებულში დაცულ ასურელ მამათა ცხოვრების ტექსტში, შესაბამისად, როგორც ზაზა ალექსიძემ აღნიშნა, იგი არ ახსენებს ხელთუქმნელი ხატისა და კეცზე გადატვიფრული ხატის საქართველოში მობრძანებას. მისივე დაკვირვებით, ასურელმა მამებმა მოაბრძანეს მაცხოვრის ორი ხატი, მაგრამ არც ერთი ხელთუქმნელი არ უნდა ყოფილიყო, რადგან ხატების რაობა ტექსტში მითითებულია (ალექსიძე, 2011: 45-55).

საკმაოდ რთული საკითხია იმ წყაროს მოძიება, რომელსაც დაამყარა არსენ ბულმაისიმისებმ მაცხოვრის ხელთუქმნელი ხატის შესახებ გამოთქმული მოსაზრებები თავისი საგალობლების შექმნისას. თუმცა, ცხადია, არსენ ბულმაისიმისებმ იცნობდა ქართულ და უცხოურ წყაროებში დაცულ ცნობებს, კერძოდ, ევაგრე პონტოელის, ევსევი კესარიელის, პროკოპი კესარიელის, ევაგრე სქოლასტიკოსის, იოანე დამასკელის, გიორგი სინკელის, თეოდორე სტუდიოსის, მოსე ხორენელის, კონსტანტინე პორფიროგენეტის მიერ მონათხრობებს; ქართულ წყაროებს, გარდა ხსენებული აპოკრიფის ქართული თარგმანისა, ჩვენი ვარაუდით, არ მოუღწევით. არსენ ბულმაისიმისის საგალობელთა მიხედვით, შესაძლებელი ხდება ხატის სა-

ქართველოში მოხვედრის ისტორიის დაზუსტება. ედესის მთა-
ვარს, დასხეულებულ ავგაროზს, მაცხოვარმა, ბუნებით სრულ-
მა ღმერთმა და ბუნებით სრულმა კაცმა განგებულებით, ანუ
ღვთის კეთილი ნებით უძღვნა თავისი სახის ხატი, ჰიმნოგრა-
ფის სიტყვით, „ხატი შენი, უცვალებელი სახე, საუფლოდო
ხელითა მოიღე წმიდით პირით და მოგუანიჭე იგი“ (A-85, 282r),
რომელიც, ქრისტეს ნების თანახმად, მოციქულმა თადეოზმა,
ზოგი ვერსიით, თადეოზთან ერთად იმყოფებოდა თომა მოცი-
ქულიც, იერუსალიმში შეინახა ქრისტეს ვნებამდე და მხოლოდ
ქრისტეს ვნებისა და ამაღლების შემდეგ გადასცა იგი ედესაში
ავგაროზს, რომელიც მყისვე განიკურნა.

ჰიმნოგრაფი უთუოდ იცნობს აპოკრიფისა და ბიზანტიული
ისტორიკოსების გადმოცემებს, რომ თადეოზი დამით გზად
შეჩერებულა ჰიეროპოლისში, სასტუმროში, რომლის მეპა-
ტრონე კერამიკოსი ყოფილა და სხვადასხვა კერამიკულ ნივთს
ამზადებდა. მას, მხატვართან და მოციქულ თადეოზთან ერ-
თად, მანდილიონი კერამიკულ ნაკეთობებს შორის მოუთავსე-
ბია უკეთ დაცვის მიზნით. შუადამისას ატყდა საშინელი ჭექა-
ქუხილი და გრგვინვა, შეშინებული მხატვარი და სასტუმროს
პატრონი ხატთან მივიღნენ, რათა ენახათ, ავდრის გამო ხომ
არ დაზიანდა. მაგრამ მათ უნახავთ მანდილიონიდან „კეცზე“
გადასცული და გამოსახული სახე ღვთისა; სწორედ ამ „კეცზე“
აღბეჭდილმა ხელთუქმნელმა ხატმა, რომელიც კერამიონად
იწოდება, მოაღწია საქართველოში. ავგაროზის სიცოცხლეში
მანდილს, ანუ ტილოს, რომელზეც ღვთის ხატება იყო აღბეჭ-
დილი, უფრთხილდებოდნენ და იცავდნენ სხვა რჯულის წარ-
მომადგენელთაგან, რომელიც ქრისტიანობას ებრძოდნენ, ჰიმ-
ნოგრაფის სიტყვით, „ემზნებოდნენ“.

ქრისტიანობის წინააღმდეგ ბრძოლა განსაკუთრებით გამწ-
ვავდა III-IV საუკუნეებში, რა დროიდანაც იგი უკვე სახელმ-
წიფოებრივ რელიგიად ჩამოყალიბდა და გამოცხადდა ჯერ
აღმოსავლეთ რომის იმპერიაში, რომელმაც ბიზანტიის სახელ-
წოდება მიიღო, შემდეგ კი მცირე აზიასა და მის მიმდებარე
ტერიტორიებზე არსებულ სახელმწიფოებში. ეს ის პერიოდია,
როდესაც მიმდინარეობდა ქრისტიანობის ბრძოლა სხვადასხვა
ერების წინააღმდეგ, კერძოდ, არიანობისა და ნესტორიანობის
წინააღმდეგ. წერილობითი წყაროები კონკრეტულად უთითებენ
VI საუკუნეს მაცხოვრის ხელთუქმნელი ხატის კვლავ გამოჩე-
ნისა და ედესიდან წაბრძანების შესახებ, ვინაიდან ედესაში ამ

ხანებში ცხარე ბრძოლები მიმდინარეობდა. სწორედ ამ რელიგიური ბრძოლის ანარეკლი გამოსჭვივის არსენ ბულმაისიმისძის თხზულებებში, რომლებიც მაცხოვრის ხელოუქმნელი ხატის თემას მიეძღვნა. ედესა//ურპა//ანტიოქია ამ რელიგიური ბრძოლების ერთ-ერთი ცენტრალური მხარე იყო. ედესაში კი ინახებოდა ქრისტეს მოციქულის თადეოზის მიერ ჩამოგანილი მანდილზე აღგენდილი ხატება დვოისა, აგრეთვე, პიროპოლისში – „პეტე“ გადატვიფრული ხატება დვოისა. საჭირო და აუცილებელი იყო მათი განთავისუფლება დვოისმბრძოლთაგან. ამიტომ მოვიდა შუამდინარეთიდან მამა ანტონი „დიდი მთიების პავლეს“ ძიებად, იგი ედესაში მივიდა, სადაც მანდილზე ამოტვიფრული ხატება დვოისა, მანდილიონი, და მანდილიდან გადაღებული „პეტე“, ანუ თიხაზე, დატვიფრული ხატი, კერამიონი ინახებოდა და ორმელოაც განსაცდელი ელოდა მწვალებელთაგან. მან გამოსტაცა ნესტორიანელებს, დვოისმბრძოლებს ხელოუქმნელი ხატი და „პეტე“ გამოსახული ხატება საქართველოში მოიტანა. მანდილზე გამოხატული პირი დვოისა კი კონსტანტინოპოლიში დამკვიდრდა⁶. არსენი არ ასახელებს, თუ როდის წარიყვანეს ხატი კონსტანტინოპოლიში. ასურელ მამათა „ცხოვრების“ მიხედვით, ანტონი საქართველოში VI საუკუნეში მოვიდა. არსენ ბულმაისიმისძის საგალობლებში დაცული ცნობების საფუძველზე შეიძლება დავასკვნათ, რომ მაცხოვრის ხელოუქმნელი ხატის პირველსახეს, პროტოტიპს, „პეტე“ დატვიფრულ ხატებას, კერამიონს, პიეროპოლიდან საქართველოში VI საუკუნეში მოუღწევია. ამავე ვერსიას ასახავს საბა სვინგელოზის საგალობლებიც. უფლის ხელოუქმნელი ხატის მარტინული არსებობის ფაქტს მიუთითებს XVIII საუკუნის „ღმრთაების გუჯარი“, რომელიც ხატს უხილავს უწოდებს (დოლიძე, 1965: 367-369, 390)⁷.

⁶ ქრისტიანული აღმოსავლეთის „დედაქალაქში“, კონსტანტინოპოლიში, არსენ ბულმაისიმისძის სიტყვით, „ქალაქთა მზეში“, მაცხოვრის ხელოუქმნელი ხატის მანდილზე დატვიფრული სახების დამკვიდრებას განსაკუთრებული მნიშვნელობა პქონედა იმის გამო, რომ კონსტანტინოპოლი, რომელიც IV ს-ის პირველ ნახევარში დაარსდა, მოციქულებრივი მემკვიდრეობისა არ იყო, იგი ყოვლადწმიდა დვოისმბლის მფარველობის ქვეშ მყოფი ქალაქი იყო.

⁷ ხატის გადამალვის შესახებ მიუთითებენ პლატონ იოსელიანი (იოსელიანი, 1847: 11) და კათოლიკოსი კირიონი (ეპისკოპოსი კირიონი,

მაცხოვრის ხელთუქმნელი ხატის შესახებ მონათხობი „მაცხოვრისა და ავგაროზის მიმოწერის“ სახით დაერთვის შავი მთის კალიპოსის ღვთისმშობლის ლავრაში 1054 წელს გიორგის და იოანეს მიერ გადაწერილ ალავერდის ოთხთავს და მასშივეა მაცხოვრის ტილოზე აღბეჭდილი, ანუ მანდილიონის გამოსახულება დაცული (ავგაროზის ეპისტოლე, 2007: 99, 104).

2. ზემოთ დამოწმებული თხზულებების, „წმ. ანგონ მარტინულის ცხოვრების“ ორივე სვინაქსარული რედაქციის, მიხედვით, წმ. ანგონ მარტინულის საქართველოში ჩამოაბრძანა მაცხოვრის ხელთუქმნელი ხატის კეცზე//თიხაზე აღბეჭდილი სახება. მაცხოვრის ხელთუქმნელი ხატის ისტორია ასახულია ედესის მეფის, ავგაროზის, შესახებ დაწერილ ზემოხსენებულ აპოკრიფულ თხზულებაში, რომელიც ემყარება მაცხოვრისა და ავგაროზის მიმოწერას. იგი მაცხოვრის ხელთუქმნელი ხატის ისტორიის „წმ. ანგონ მარტინულის ცხოვრების“ სვინაქსარული რედაქციებისაგან განსხვავებულ ვერსიას მოგვითხრობს. აგადმყოფმა ავგაროზმა იქსო ქრისტეს სთხოვა მისულიყო მასთან განსაკურნებლად, რითაც მეფე შეეცადა მაცხოვრისათვის მისთვის დაკისრებული საკუთარი თავის მსხვერპლშეწირვის არიდებას. მაცხოვარმა უარი განაცხადა, რადგან ღვთის წინასწარმეტყველება უნდა ასრულებულიყო და მას ტილოზე სასწაულებრივად აღბეჭდილი თავისი გამოსახულება გაუგზავნა მოციქულ თადეოზის ხელით. „წმ. ანგონ მარტინულის ცხოვრების“ ორივე სვინაქსარული რედაქციის მიხედვით, ავგაროზმა ფიცარზე გადაჭიმული ტილოზე გამოსახული ხატი ღვთისა ქალაქის ჭიშკართან დააბრძანა, რათა ქალაქში შესულ ჭოველ ადამიანს მაცხოვრის ხელთუქმნელი ხატისათვის თაქვანი ეცა. განსხვავება სწორედ აქ იჩენს თაგვს. ავგაროზის ურწმუნო შვილიშვილმა ქრისტიანობა და ჭეშმარიტი ლმერთი უარყო, მას ხატის განადგურება უნდოდა, მაგრამ ედესის მთავარეპისკოპოსმა ქალაქის კარიბჭესთან თაღში დაბრძანებული ხატის წინ ანთებული კანდელი დადგა, მოპირდაპირე მხრიდან კი კეცით//თიხით დახშო ისე, რომ ხატი არ ჩანდა, შესაბამისად, ამ დროიდან, კ. ი. I საუკუნის მეორე ნახევრიდან, მოყოლებული, არავინ იცოდა, სად ინახებოდა ხატი. საისტორიო წყაროების, კერძოდ, ევაგრე

1899: 9). დასახელებული შრომებიდან არ ჩანს, თუ რა წყაროებს ემყარება მათი თვალსაზრისი.

პონტოელის, კვეუვი კესარიელის, პროკოპი კესარიელის, ევაგრე სქოლასტიკოსის, იოანე დამასკელის, გიორგი სინკელის, თეოდორე სტუდიელის, მოსე ხორენელის, კონსტანტინე პორფიროგენეტის და სხვათა თხელებების მიხედვით, VI საუკუნის შემდეგში, 544 წელს, სპარსთა მეფემ ხოსრომ ქალაქ ედესას ალექსანდრე შემოარტყა, რის შედეგადაც ხატეს საში-შროება უმუქრებოდა. სწორედ ამ დროს ეპისკოპოს ევლაგიოსს ყოვლადწმინდა ღვთისმშობელი გამოეცხადა, გააფრთხილა, რომ კარიბჭის თავზე მაცხოვრის ხელოუქმნელი ხატი ინახებოდა, რომელიც ქალაქს გადაარჩენდა. ეპისკოპოსი ლოცვითა და ლიტანით მივიდა ხატის ადგილას, გახსნა დაფარული თაღი და ნახა, რომ კანდელი ენთო, ხოლო მანდილიონიდან მაცხოვრის ხატება მის წინ აღმართულ კერამიონზე იყო გადასული. კანდელის ზეთი მოალყებს გადასხეს და სპარსთა ლაშქარიც დამარცხდა. კეცზე დატვიფრული მაცხოვრის ხატი ნესტორიანთა ეკლესიაში დაბარძანეს. მაგრამ ერებიკოსთა, ნესტორიანთა, ხელო ჩაგრდნილი მაცხოვრის ხელოუქმნელი ხატის კეცზე დატვიფრული გამოსახულება წმ. ანგონ მარტ-მყოფელმა მათგან დაიხსნა და თავისი მოძღვრის, წმ. იოანე ზედაზნელის, კვალზე დამდგარმა საქართველოს მოაშურა. „წმ. ანგონ მარტ-მყოფელის ცხოვრების“ სვინაქსარული რედაქციების ცნობა წმ. ანგონის წმ. იოანე ზედაზნელის მოწავედ მიჩნევის შესახებ ეჭვეჭვებ დააყენეს ი. ჯავახიშვილმა და კ. კეპელიძემ. წმ. ანგონმა მაცხოვრის ხატი აკრიანის მოებში მიაბრძანა და თავადაც იქ დაემკვიდრა, სადაც იგი ირმის რძით იკვებებოდა. წმ. ანგონ მარტ-მყოფელი სვეტზე 18 წლის განმავლობაში მოღვაწეობდა, იგი სიცოცხლის ბოლომდე იქ დარჩა, გარდაცვალების შემდეგ მისი ნეშტი მარტ-მყოფის მონასტერში დაბარძანეს და დაკრძალეს. მაცხოვრის ხელოუქმნელი ხატი მარტ-მყოფში ინახებოდა საუკუნეთა მანძილზე, მაგრამ, პლატონ იოსელიანისა და კათოლიკოს-პატრიარქის კირიონის ცნობით, XIV საუკუნის ბოლოს, თემურ-ლეგნის ერთ-ერთი ლაშქრობის დროს მარტ-მყოფის ღვთაების მონასტრის წინამდგარმა გიორგიმ მტრის ხელყოფისაგან დაცვის მიზნით იგი მონასტრის ტერიტორიაზე დამალა; სამწუხაროდ, მტერმა მონასტერი ააოხრა, ბერმონაზვნები ამოხოცა, მტრის მახვილს ვერც წინამდგარი გიორგი გადაურჩა და ხატის ადგილი და-ფარული დარჩა. ხატი სასწაულომოქმედად არის მიჩნეული;

მისი სასწაულებიდან ჟამთააღმტვერლის მიერ გადმოცემული დავით ულუს ეპიზოდის გახსენებაც კი საქართვისა.

მანდილონის ამჟამინდელი ადგილსამყოფელი ცნობილი არაა; ოოგორც ზემოთ აღინიშნა, იგი 944 წლის 15 აგვისტოს გადააბრძანეს კონსტანტინოპოლიში და ვლაქერნის ტაძარში დააბრძანეს, საიდანაც იგი თვით კონსტანტინე პორფირო-გენეტისა და პატრიარქ თეოფილაქტეს მიერ წმ. სოფიის ტაძარში, ბოლოს კი სასახლის ფაროსის დვორისმობლის ტაძარში გადასვენეს. მისი დღესასწაულიც დაწესდა, რაც კონსტანტინე პორფიროგენეტმა აღწერა (კონსტანტინე პორფიროგენეტი, გვ. 422-453). ხატმა მმიმე გზა გამოიარა, რადგან XIII საუკუნის დასაწყისიდან მისი კვალი დაიკარგა. საინტერნეტო საიტებზე გავრცელებული ცნობების მიხედვით, ხატი მანდილიონიდან ფიცარზე გადავიდა და იგი საქართველოში ჩამოაბრძანეს, 1453 წლამდე კლარჯეთში, ანხის ეკლესიაში, ინახებოდა, 1664 წლიდან მას ადგილი მიუჩინეს თბილისის დვორისმობლის მიძინების სახელობის ტაძარში, რომელსაც, მაცხოვრის ხელოუქმნელი ხატის ანხის საკათედრო ეკლესიაში დაბრძანების კვალობაზე, სახელი „ანხისხატი“ ეწოდა. ხატი ანხისხატის ეკლესიაში ბრძანდებოდა 1938 წლამდე, როდესაც ხატის უსაფრთხოების მიზნით, საქართველოს კათოლიკოს-პატრიარქის კალისტრატეს (ცინცაძე) თხოვნით იგი საქართველოს ხელონების მუზეუმში გადააბრძანეს, სადაც დაცულია ამჟამადაც. ხატთან დაკავშირებით შემდეგი კითხვა ჩნდება: არის თუ არა ანხისხატი, რომელიც XII საუკუნეში ბეჭა თბიზრის მიერ მოიქცედა ძვირფასი კარედით, ის ხელოუქმნელი ხატი მაცხოვრისა, „პირი დვორისა“, რომელმაც საუკუნეები და სხვადასხვა ქვეყნები გამოიარა? მეცნიერთა ნაწილი ფიქრობს, რომ ესაა მაცხოვრის ხელოუქმნელი ხატის ტიპის კვალობაზე IV-V საუკუნეებში შექმნილი ხატი (შ. ამირანაშვილი), ნაწილის ვარაუდით (პ. კარბელაშვილი), ეს მანდილიონიდან ფიცარზე გადასული მაცხოვრის ხელოუქმნელი ხატია. შ. ამირანაშვილმა შეისწავლა მაცხოვრის ხელოუქმნელი ხატების ისტორია, მათი გავრცელების დრო და არეალი, რის შემდეგაც მივიდა ზემოხსენებულ დასკვნამდე. რაც შეეხება პ. კარბელაშვილის მოსაზრებას ანხის ხატის მაცხოვრის ხელოუქმნელ ხატად მიჩნევის შესახებ (კარბელაშვილი, 2013: 87), იგი ეწინააღმდეგება კონსტანტინე პორფიროგენეტის თხზულებაში დაცულ ცნობას ხატის 944 წელს კონსტანტინო-

პოლში გადაბრძანების თაობაზე. მან დაიმოწმა ანჩის ხატზე XVIII საუკუნეში გაკეთებული წარწერა, რომლის მიხედვით, ბიზანტიის იმპერატორის, ლეონ ისავრიელის, დროს დაწყებული ხატების თაყვანისცემის აკრძალვის გამო, მაცხოვრის ხელთუქმნელი ხატი ბიზანტიის იმპერიაში მიმდინარე ხატებრძოლობას გაარიდეს და საქართველოში, კერძოდ, ანჩის საყდარში გადაიტანეს და იქ ინახებოდა (კარბელაშვილი, 2013: 88). ეს მოსაზრება არაა სწორი, რადგან მაცხოვრის ხელთუქმნელი ხატი, მანდილიონი, როგორც უკვე აღინიშნა, 944 წლის 15 აგვისტოს ედესიდან კონსტანტინოპოლში გადააბრძანეს, ხოლო ხატბრძოლობა ბიზანტიაში VIII-IX საუკუნეებში, საუკუნენახევარზე მეტხანს გაგრძელდა.

ამრიგად, წმ. „ანტონ მარტინიულის“ ცხოვრების“ ვრცელი და მოკლე სვინაქსარული რედაქციები საისტორიო და ლიტერატურული თხზულებაა, რომელშიც წმ. ანტონ მარტინულების ასურელ მამათა „წამება-ცხოვრებებით“ უცნობ ეპიზოდებს გვაცნობს. თხზულებისათვის გამოყენებულია ქართული და უცხოური წყაროები, რომელთა ცოდნა და ანარეკლი სვინაქსარულ რედაქციებში შეინიშნება.

ლიტერატურა:

აბუსერისძე, 1998 – აბუსერისძე ტბელი, თხულებანი, ტექსტი გამოსაცემად მოამზადეს, გამოკვლევა, ლექსიკონი და სამიებლები დაურთეს ნ. გოგუაძემ, მ. ქავთარიამ და რ. ჩაგუნავამ, ბათუმი, 1998.

ალექსიძე, 2011 – ალექსიძე ზ. მანდილიონი და კერამიონი ძველ ქართულ მწერლობაში//ქრისტიანული კავკასია, თბ., 2011.

ამირანაშვილი, 1956 – ამირანაშვილი შ., ბექა ოპიზარი, თბ., 1956.

ასურელ მამათა... 1928 – ასურელ მამათა ცხოვრებათა არქეტიპები, გამოსცა ს. კაპაბაძემ, საისტორიო კრებულის I წიგნის დამატება, ტფილისი, 1928.

გოილაძე, 2002 – გოილაძე ვ., ასურელ მამათა სამშობლო და საქართველო, თბ., 2002.

იოსელიანი, 1847 – Иоселиани П., Описание Марткопского монастыря, Тифлис, 1847.

კათოლიკოსი კირიონი, 1899 – Епископ Кирион, Жизнь и подвиги преподобного Антония Столпника, чудотворца марткопского, Тифлис, 1899.

კაკაბაძე, 1921 – ს. კაკაბაძე, დასავლეთ საქართველოს საეკლესიო საბუთები, I, ტფ., 1921.

კარბელაშვილი, 2013 – ანჩისხატის ტაძარი ქ. თბილისში, წიგნი შეაღინა, გამოსაცემად მოამზადა, გამოკვლევა და შენიშვნები დაურთო ვაჟა ოთარაშვილმა, თბ., 2013.

კეპელიძე, 1960 – კეპელიძე კ., ქართული ლიტერატურის ისტორია, ტ. I, თბილისი, 1960, გვ. 327-328; 533;

კეპელიძე, 1956 – კეპელიძე კ., საკითხი სირიელ მოღვაწეთა ქართლში მოსვლის შესახებ, ეტიუდები ძვ. ქართული ლიტერატურის ისტორიიდან, I, 1956.

კონსტანტინე პორფიროგნეტი – Migne J. B. Patrologiae cursus completus. Series graeca. T. CXIII.

მელიქშეთ-ბეგი, 1959 – მელიქშეთ-ბეგი ლ., დავით უძლეველი და დავით გარესჯელი, კრებ.: ჭ. კეპელიძის დაბადების 80 წლის თავზე, თბილისი, 1959;

მერგვილაძე, 2006 – მერგვილაძე დ., ასურელი მამები, VI ს-ის სირიელი მოღვაწენი საქართველოში, I, თბილისი, 2006.

მეტრეველი, 2010 – მეტრეველი ს., ასურელ მამათა წამება-ცხოვრებათა რედაქციები, თბ., 2010.

ჟორდანია, 1897 – ქრონიკები და სხვა მასალა საქართველოს ისტორიისა და მწერლობისა, ქრონოლოგიურად დალაგებული და ახსნილი თ. ჟორდანიას მიერ, ტფ., 1897.

საბინინი, 1882 – საქართველოს სამოთხე, გამოცემული გობრონ პავლეს ძე საბინინის მიერ, პეტერბურდი, 1882.

სულავა, 2003 – სულავა ნ., XII-XIII საუკუნეების ქართული კიმნოგრაფია, თბ., 2003.

სულავა, 2013 – სულავა ნ., მაცხოვრის ხელოუქმნელი ხატის თემა ქართულ კიმნოგრაფიასა და საისტორიო მწერლობაში, თსუ, საქართველოს ისტორიის ინსტიტუტი, შრომები, VII, თბ., 2013.

ფერაძე, 2006 – ფერაძე გ., ბერმონაზგნობის დასაწყისი საქართველოში, თბილისი, 2006.

დოლიძე, 1965 – ქართული სამართლის ძეგლები, II, ტექსტები გამოსცა, შენიშვნები და საძიებელი დაურთო ისიდორე დოლიძემ, თბ., 1965.

ყუბანეიშვილი, 1946 – ყუბანეიშვილი ს., ძველი ქართული ლიტერატურის ქრესტომათია, I, თბ., 1946.

ძეგლები, 1963/1964 – ძეგლი ქართული აგიოგრაფიული ლიტერატურის ძეგლები, I, დასაბეჭდად მოამზადეს ილ. აბულაძემ, ლ. ათანელიშვილმა, ნ. გოგუაძემ, ლ. ქაჯაიამ, ც. ქურციკიძემ და ც. ჯლამაიამ, ილია აბულაძის ხელმძღვანელობითა და რედაქციით, თბ., 1963-1964.

ძეგლები, 1968 – ძველი ქართული აგიოგრაფიული ლიტერატურის ძეგლები, IV, გამოსაცემად მოამზადა და გამოკვლევა დაურთო ენრიკო გაბიძაშვილმა, 1968.

ჯავახიშვილი, 1979 – ჯავახიშვილი ივ., ქართველი ერის ისტორია, თხ. I, 1979.

Nestan Sulava

“THE LIFE OF ST. ANTON MARTKOPELI” AS A HISTORICAL AND LITERARY COMPOSITION

Summary

One of the figures among 13 Assyrian Fathers in Georgian hymnography is St. Anton Martkopeli. Very little is kept in hymnography and historical sources. His name is mentioned in publications of St. Ioane Zedazneli and St. Shio Mghvimeli together with Assyrian Fathers who came with St. Ioane Zedazneli. This is the only written source which came to us since Vlc. Catholicos, Arsen Bulmaisimisdze gives information about Anton Martkopeli in his hymnographical compositions in 30s , XIIIC. The complete publication of which is kept in the collection of works A-85 by Abuseridze Tbeli. Two Svinaksaruli publications (vast and short) of “The Life of St. Anton Martkopeli” are kept in several manuscripts. Its sources are: “The Torture of St. Abibo Nekreseli”, “The Life of St. Davit Garejeli”, The will of St. Abuseridze Tbeli, Songs of Arsen Bulmaisimisdze. According to “The Life of St. Anton Martkopeli” both editions, St. Anton Martkopeli brought the image of Savior’s not man made icon expressed on the clay to Georgia.

There are different views in scientific literature about Assyrian Fathers’ and among them about St. Anton Martkopelis’ confession. According to the traditional view they were Orthodox Christians having Diopzituri consciousness.

Vast and short Svinaksarian éditions of ‘The Life of St. Anton Martkopeli’ are historical and literary compositions, which tell us about unknown episodes of Assyrian Fathers. The knowledge of Georgian and foreign sources used in the composition is necessary to know.